


吉林地志



附雞林舊聞錄

吉林地誌

長沙郭宗熙題

治塞外輿地之學力劬而用切今
吾國士夫嘗盛言移墾矣使非
先知廣輪夷險之數曷能推行
而盡利吉省處柳條邊外與中
原遠隔游客蹤跡輜軒甄粟向
所不及前清撫治茲土分旂編

籍寄內政於軍令既二百餘年
然而川原饒衍寶藏所積其膏
沃者其光暉終有時盛蹙以利
用厚生比歲以來生聚墾殖地不
愛寶農利日溥郡縣建置昔僅
八九曾未十稔乃得三十有七荒

陬遠徼同符赤紫豈非蘊蓄深
厚其濬發愈迅而易耶嘗謂談
吉林地學欲推論沿革攷之乎古
遼金史記地名訛舛近頃治斯學
者於元史地理天山南北鉤稽參
攷已放曙光獨於茲土悉從盪闕
遂引詮證輒苦往籍鮮徵試信
之於今省內各屬析置伊始志乘
闕如顧疆場申畫郡國利病俱
關乎政治之設施其為用尤徵緊
要魏君劬卿之為是書列目而不
分卷示不自傲於著作之林要是

書按輯雖難語完備其改訂之
勤寔有足多也至沿邊界務摘采
近年調查員報告諸書尚俱精
審魏君誦求歷史地理比來雞塞
諏諮探討所業益進吾國學子
應乎時勢之需要羣知留心邊
事第患新著既不多觀而真礪
者彌難其遜然則是書之成允
為治塞外輿地學之一助也
民國二年八月中澣嘉定徐鼎康
叙於吉林行省公署

吉林地志凡例

是編由省垣而西北而東北而南疆域接連依為編纂之次序庶幾地點位置山川方向前後互證易於明瞭

遼金郡縣大類南北朝時之僑置滅國以後輒移其民而郡縣之名

亦隨之遷徙如渤海建州遼移臨潢南境現今內蒙巴林旗尙有大氏遺族不令逾西喇木倫

河撫收越河則為蒙人所併東京顯德府今寧遠縣境而有率賓之縣本編沿革必求

地點與古代建置互勘不易凡有疑似者甯付闕如又如今日牡丹

江以東在遼金半同荒徼建置本疎故沿革源流遇實無可考即從

省略務取真確不蹈博會之習

遼金申畫疆域府軍州縣之上又有節度萬戶等官設置無定若元

代建置尤為疎闊今吉省東半悉隸海蘭一路故州郡沿革祇載當

吉林地志 凡例

吉東印刷社代印

時設治所在如屬何路何節度之名概行刪去以避繁複

是編形勢一欄悉采自二三年內各界調查日記與夫官署之報告

要皆現在情形至凡散見於雜林舊聞錄者本編概不纂入閱者必

相互考證如舊聞錄中金石古城各類俱足供沿革之參考物產界

務各類俱於各屬形勢有發明之處但疎漏仍多大雅宏達尙祈教

益

吉省十年前僅有九屬前清光緒季年改建行省增設府廳州縣時

知府悉有屬地與內省異乃有四十年來次第設治惟實清渤利臨湖三屬擬設

未果其各屬命名類多沿襲滿洲舊名但以音訛音轉之異動失其

據復以文義附會惟求其雅不知滿語俱有所謂如蘇瓦延本濁流之謂今一轉再轉

而為雙陽是地名源於歷史有時地望每相差越如賓州金代在今榆樹縣今葦子溝之賓縣東

北距離數百里是編於考訂確鑿者悉述其大凡或亦讀史之一助
各屬設治未久今凡舟車所經僕夫告語猶俱舉土名顧其名稱出自滿語者亦居半且多與地理關合故於每縣之下概列土名有音義可釋者并附以詮解
沿革形勢凡詳見後編舊聞錄者俱有註明手民後字輒悞作前校勘時忘未改正又夾縫中標題本編亦概排雜林舊聞錄殊嫌外混以無關要情仍而未改閱者諒之

吉林地志

武進魏聲蘇劭卿氏輯著

吉林被山負海之區也處關東三省之中而海岸延長南起圖們江北盡庫頁島地方包絡幾三千餘里往在遼金射獵部落東北沿海建置疎闊其中畫已靡可詳言考之前明奴兒干都司之領地清代三姓副都統所轄貢貂諸部東海版圖皆直迄混同江外自清室凌夷巖疆暗喪清咸豐前庫頁島已喪潛屬日本勢力範圍一度割地瀕海乃俱昇於俄退而畫江自守吉林遂無形勢之可言畫江之役逮今五十二年矣此時期中苟慎護國防猶或聊固吾圉奈何鐵路建築拱手讓人長蛇之勢首扼於俄尾壺於日吉長踵成主權半失吉會計畫同一喪棄馴致漸進交侵攘及航利天產所資兩手掩護惟恐無及於是腹心貫澈全局皆僵吉林并無

雞林舊聞錄

吉東印刷社代印

內險之足憑雖然地理之運用要隨時會以為遷變耳在昔閉關時代務在設險守隘冀人之不侵越今則萬國棊通農戰商戰競爭旁午當在地利之為我用以實邊者保疆夫吉林非所稱天富之國耶但以現在論農田半未墾闢鑛產開鑿甫具端倪東路森林徒供俄人汽車鑿料至於漁虞牧畜采樵之業一切牢守慣習不知變以荒蕪勿治之勢遂來慢藏誨盜之憂不為國利便貽民患故當務之亟莫切於濬發實業而凡山川險塞戰勝攻取之說不妨緩置松花江環行境內達三千三百餘里烏蘇里江中國有其下游一部圖們江有其上游一部兩江環帶又及二千數百里南北各行省江岸線之長蓋未有如吉省者省內河川乃悉如江流之方向迂行交匯其北注者俱松花江之灌域大者如依通拉林阿什東注者俱烏蘇里江之灌域大者如雅南注圖們江者

但亦不為巨川源流縱橫多及千里以上通省三十七屬咸被沾溉
農利之饒卽緣乎此吉林省山脉權輿白山近人多認白山屬之中隸山東泰岱北脈從芝罘半島渡海起頂爲旅順鐵山東北行以長白山爲中隸尾脈主山分東西兩系長白山系北走東折蟠鬱延
輝諸邊歧入俄領東海濱省小白山系順松花江北行而東北折直迄
俄領韃靼海岬東系金屬鑛產尤豐而連山老林蔭蔽叢積兩系之大
林區乃得四十有八粵自洪荒以來迄爲射獵時代未進於農業利在
豐草長林鳥獸腓字農獵兩業不並處今故天產瑰雄草葉腐積土質
益沃由前之說是物產厚盛之原於地理者由後之說是原於歷史者
而山川脈絡原隲方向亦可見其概矣然而撫此神臯近十餘年門戶
開放地方繁廡雖異於昔抑仍山澤之利未盡啟膏沃之壤未盡闢是
何歟蓋其漸進之度胥任乎趨勢之自然初非有政治之設施爲之指

雞林舊聞錄

一一

吉東印刷社代印

導又復萑苻擾道途盤屋省東各縣編戶未盈千者今尙五六陸行
動須假道江航惟藉俄輪交通大勢悉侵悉奪以故向者嘗盛言移民
當事疑畏而不舉成效卒荒闕而勿彰循今之軌漸致發達十年生聚
十年富庶殆必二十年後吉林纔以農國聞乎其奈介於兩強外人舉
其全力展拓一日千里俄於烏蘇里江右墾殖大興本年度預算移民費二千七百十萬餘盧布平均每年移民七十萬人日促三韓遺族尾閭吾土雙方侵逼情勢已遠不相
及耳急起綢繆以實邊者保邊卽以固我中國其虛其邪旣亟且
吉林縣土名船廠

(地名釋義)滿語吉林烏拉吉林沿近之謂烏拉大川之謂縣名係
截取上二音者船廠之目省志謂因順治十八年遣昂邦章京造戰
船於此以征羅刹故有此名其實康熙時聞人筆記如柳邊紀略已

有土人掘地常得大木或古代嘗作船廠之說蓋明永樂洪熙宣德三朝累興水師招撫東夷俱出發於此証之阿什哈達摩崖見前可以推定是造船設廠確遠在明初

（沿革）唐時渤海國為涑州遼金為霽江州旁境明初為烏拉衛土門河衛地明季屬扈倫族之烏拉部滿洲源流考吉林確為唐時新羅國之雞林州嗣雞林都督屢

次移治遼同於倚置又清乾隆帝咏吉林詩云康熙十二年始建軌

城十五年移霽古塔將軍於此遂為省會清廷先遣章京薩布素以繩

萬八千丈自吉林東行十里過松花江至尼什哈站三十里交密峯四十里額赫穆十里納穆窩集三十里山神廟五十里拉發七十里推屯三里色齊窩集今退屯站迤東為張廣才嶺山林延亘北麓拉林河出焉三百九十里霽古塔城今以地望站名相證尙悉屬合至色齊窩集以東不按站計者諒為當時雍正四年設永吉州府屬奉天瀋木連天人煙稀絕無可為識故耳

乾隆十二年罷州改設理事同知光緒八年升為府今改縣

雞林舊聞錄

吉東印刷社代印

（形勢）省垣山嶺環複江流轉曲擁抱迴護氣勢結聚誠天然之都會但遼金間兵事地理之要點實在下游霽江州城當時甯江與黃龍互為犄角耶律完顏兩姓之廢興悉繫此地之得失焉至前清之初將軍之所以移駐則以奉天為清之陪都此焉近密便於控制焉耳又為沿邊台站東西橫接故舍霽江古戍而改建都會於驛道之衝非於邊防有所規畫也顧今則吉長鐵路已成吉會一綫數年後必且建築吉垣形勢乃綰柳塞東西之轂握滿韓之樞地理重要當無逾此

長春縣土名寬城子

（地名釋義）長春遼地名遼史本紀延禧親征率番漢十餘萬出長春路是也又本紀遼帝幸長春宮明孫承澤筆記遼長春宮有二一

在鴛鴦濼即捕魚兒海巴林旗境一在黃龍府附近詳考圖志遼長春縣

實今江省所屬札賚特旗蒙地踞嫩江右岸縣境固非遼時疆域也

(沿革)遼置秦州昌德軍屬上京路金大定間廢承安二年移州於

長春縣以故地為金安縣隸之元屬開元路元太祖遣弟哈布圖征

郭爾羅斯部擒其酋十六傳至烏巴什遂踞之分前後二旗清天命

九年歸清嘉慶五年因墾民日衆借前旗地置長春理事通判設廳

治於新立屯南距今縣治五十里道光五年移於現在治所之寬城子光緒八

年改稱撫民通判十五年升為府今改縣

(形勢)縣境南扼伊通邊門迤北彌望平原東通省會出縣境三十

里即坡陀起伏松嶺山脉沿柳邊蜿蜒東走此皆其尾脉也自東清

鐵路告成平夷洞達商旅輻輳逮日俄戰事既終北屬東清南為南

雞林舊聞錄

二

吉東印刷社代印

滿此焉箱穀乃扼三省交通之衝境內農產亦冠於各屬

依通縣土名伊通

(地名釋義)伊通河發源縣境下注松花江自遼金以來史作一禿

河又作伊圖河伊屯河皆一音之轉

(沿革)金咸平路元初因之明為達喜穆魯衛伊屯河衛地後為扈

倫族之葉赫部地嘉慶十九年設分防巡檢光緒八年升為州今改

縣

(形勢)縣境為狹長形向西南突伸扼威遠堡邊門之口晚明東事

既起恃為遼瀋之藩衛至於清朝柳邊以外悉置台站吉林瀋陽間

交通伊通驛適扼其中故東屬圍場奉省海龍東平西豐等屬清初皆為圍場西屬科爾

沁蒙界今為昌圖奉化等縣獨留此一綫通衢若司筦鍵今南滿鐵道通行不

經縣境形勢固大有遷變而軌道密邇省界自封匪蹤出沒尤號難治

農安縣土名龍灣

(地名釋義)縣治旁古塔建於遼聖宗時相稱龍安塔音訛又似農安遂為縣名

(沿革)唐時渤海大氏上京之扶餘府遼為黃龍府

宋岳武穆所謂直搗黃龍即指

此清一統志及何秋濤朔方備乘均謂黃龍府有二說然終以屬今農安為定義至唐人詩所謂旌鼓龍城龍城飛將之說乃指今東土默特旗界前燕慕容 金濟州元初為金之上京殘破曾僑治開元

路總管於此

後徙今奉省之開原縣

明初為伊屯河衛旁境後屬郭爾羅斯前

旗光緒八年借蒙地設分防照磨十五年改設知縣今仍之

(形勢)境內盡屬平原當松花江左而扼伊通驛馬二河之委流川

雞林舊聞錄

原交錯蒙滿咽喉遼金時代為四戰之地良有以也

由吉林省垣西行七十里為樞

皮廠五十里土門嶺二十里馬鞍山二十里九台由此出柳條邊正西微北七十里雙山子又西北四十里郭家屯入農安界西北三十里萬金塔遺址二十里高家店二十里花園由此入草地正北三十里卡倫木二十里郭爾羅斯前旗貝勒府共十一站三百九十里

德惠縣土名大房身

(地名釋義)舊屬長春府時縣境為沐德懷惠二鄉地

(沿革)與農安縣同宣統二年析長春府西北境置縣

(形勢)境內水道縱橫農利最溥迤西沐石河松花江匯口沱流繁

帶柳通延巨允饒水利

長嶺縣土名長嶺子

(地名釋義)新唐書渤海國長嶺府領瑕河二州滿洲源流考河州

在黃龍府北有河流入松花江按之地望頗合

(沿革)渤海屬長嶺府金博索府旁境元明建置與農安同光緒三十四年設縣治今仍之

(形勢)全境平原無高山大川縣治迤北有沙漠地與達爾汗旗界東西延亘故春夏常苦風砂儼然戈壁中景况設治六年祇東南一帶稍稍墾闢

雙陽縣土名蘇幹延

(地名釋義)雙陽河注依通河蘇幹延爲滿洲古地名滿語濁流也
(沿革)遼金與吉林同明爲依爾們河衛蘇完河衛吉省未置郡縣以前西旁柳邊與郭爾羅斯前旗接壤宣統二年分吉林府西界長春東界依通北界增設縣治

(形勢)吉長依三屬爲吉省大邑故縣治設置雖近而墾闢已久境

雞林舊聞錄

五

吉東印刷社代印

壤雖狹而農利實溥地居腹內交通防禦俱不佔重要之位置焉

舒蘭縣土名朝陽川

(地名釋義)滿洲古地名爲省北台站之一滿語舒蘭果實也境內四合川霍倫河本屬前清貢山爲采貢小山紅梨山櫨之地

(沿革)明屬阿林衛康熙二十年設巴彥鄂佛羅防禦旅員管轄此地采捕事宜仍屬之烏拉總管近年逐漸開放宣統二年分劃吉林府北界增設縣治

(形勢)北帶柳邊之尾法特哈門西旁松花江山脉橫午縣境東南尤萬山叢雜有呼蘭玲瑯嶺之諸峯爲拉林河所出故境內水道縱橫漁虞采樵之利兼備

阿城縣土名阿什河

(地名釋義)阿什河爲阿勒楚喀河之音轉又卽金史按虎出水之音轉滿語阿勒楚喀耳也謂河流彎環形似人耳也

(沿革)渤海時爲粟末靺鞨種族雜居稱海古勒地後爲完顏氏本部金爲上京會審府現在完顏氏之裔猶多皆改姓爲那是族每值

係元旦滅亡今七百餘年猶存哀痛之紀念考宋史蒙古兵以元旦會飲歌吹聲四接是夕金哀宗傳位承麟稱賀未畢而城陷現在縣屬鄆姓計百餘家元朝墟其地屬之碩達勒達萬戶府明爲岳希衛阿實衛

地清雍正四年置協領設駐防兵七年拆毀舊城移建新城(卽今縣治)乾隆九年設副都統宣統元年裁設縣治今仍之

(形勢)縣境東南多山與螞蜒嶺之森林系連接會審故都右環拉林河左擁阿什河兩流夾注大江西北兩面爲江河之冲積層故瀟望平原頗擅形勝雍正時所以移建今城毀除古迹則緣禁忌迷信

雞林舊聞錄

吉東刷印社代印

之見謂一姓不再與前朝故都爲王氣所鍾誠陋說也

現在堆堞未盡剝除者尙

崇鞠兀兀隔十餘丈輒有成樓遺址土人往往時日將升時每見雉牆及城門宛然在目自東清鐵道既成密邇軌道遂未有見意或地氣有遷變歟近年日本入廣募土人開挖地層疑猶有重器埋藏地下土人曾得黃金碎如豆粒又有碧玉形之塊石嵌空玲瓏爲古時糧穀焚餘黏性之米脂入土所化者可知是城宮今日則輪軌交通殿必爲元人劫火所燬蕩待書史已無可徵矣

且爲台站所經商貨四集行旅孔繁稱巨埠焉

新城縣土名伯都訥

(地名釋義)清初伯都訥台站爲西通蒙部之邊驛康熙三十二年

另建甄城於站南別於舊站因曰新城

(沿革)遼達魯噶部隸北府節度金爲肇州元立屯田萬戶府仍名肇州明初爲三岔河衛後被科爾沁蒙古侵入清廷撫定蒙人設伯都訥站於訥爾渾之野始畫江爲境康熙三十三年設副都統官雍

正五年設長甯縣乾隆元年罷縣二十六年置理藩院蒙務主事以理蒙事嘉慶十六年改設伯都訥廳同知光緒八年移設孤榆樹屯增設巡檢一三十二年設新城府今改縣

(形勢)嫩江自西北來納於松花江松花江北行至此勢為攙奪二江既匯遂直向東趨形成曲尺縣境為江水冲積層川原廣衍廓然平野農漁之利實稱奧區地勢向西突伸插入郭爾羅斯蒙旗界內從是分南北兩部焉故三面環蒙江流轉曲亦三面外環巨浸而今日東清鐵道又實經行東境平夷洞達扼江航陸轉之咽喉境南陶賴昭站建有鐵道通過之江橋以一隅之地而交通輻湊四面引帶誠省西第一險隘也故金源之興肇於涑流一戰見前得勝陀碑考遼朝失此累敗卒不復振畫江設險以滿制蒙蓋舍此末由矣

雙城縣土名雙城堡

(地名釋義)舊有土城二為古代留遺之建築物一名雙城子

(沿革)金為上京會甯府之西南境許亢宗奉使行程錄渡拉林河

至矩古貝勒寨達河寨布達寨皆在今縣境內金時之台站名也元

時為廢地明為阿憐部元史至元二十年八月甲子遣軍六千人洶

芬河旁俄名尼格來司之雙城子清嘉慶十九年置協領隸阿勒楚喀副都統光緒

八年設雙城廳通判宣統元年升為府今改縣

(形勢)縣境北臨松花江南倚拉林河背江面河氣勢完固往往在金山源固畿內地也四望平原挽輸便捷灌溉適宜農利稱最故前清之初即已耕墾為就農產航途之交利拉林水湄設置官倉始康熙朝征羅刹頃以儲軍食嘉慶十七年清廷給費量移駐京八旗開荒列戍始置協領是

爲吉林官辦移墾之嚆矢現在東清鐵道午貫縣境交通趨勢舍航而陸地方生計發達尤稱壯縣焉

濱江縣土名哈爾濱

(地名釋義)往爲松花江右灘地江左傍近郭爾羅斯後旂界今爲江省

呼蘭縣蒙人以此地草甸平坦遙望如哈喇蒙語因稱爲哈喇賓漢語

訛轉又易喇爲爾土音喇訥爾勒等字俱無大區別設治頃以此地臨江且就土人

之慣稱故名

(沿革)金爲上京會甯府西北地元明沿革與阿城同前清宣統元年設濱江廳同知僅在傅家甸一隅面積數里嗣割雙城東北境附屬廳治仍嫌褊狹今改縣

(形勢)東清鐵路西自滿洲里(臚濱)入我國境東達交界驛(東

甯)縣境適扼其中而支綫南達長春接南滿路直迄遼東半島又於斯起點一縱一橫此爲交點故就東省論實綰南北滿洲之轂就交通大勢論要爲東亞之樞特商權久奪外力日張陸轉江航由人操縱現由哈下達三姓伯力就此觀察中俄在北滿勢力之伸縮可以得其概矣

五常縣土名歡喜嶺

(地名釋義)舊於五常堡設協領距今縣治三十五里爲漢族移墾後之名稱

(沿革)遼時爲阿延女真部各錫部長名號契丹國志稱東南五節度是也明爲阿憐衛南境清同治八年設協領於縣東五常堡光緒六年另建土城八年改設民官因稱五常廳同知宣統元年升爲府

今改縣

(形勢) 縣境多山重巒複嶺四塞之區色齊窩集俗稱張廣才嶺森林系北

出而西折為螞蟻嶺雞爪頂廟嶺諸高峰皆縣境之外險也即與安長壽

分境之又有斜向西北一支稱老嶺森林系則內險也地距東清鐵

道稍遠運輸艱阻吉省腹內之窩集此猶保存惟山林深阻伏莽易

滋庚子拳亂居民什九流亡近年生聚始密農墾乃漸闢焉縣南六十里舊

設山河屯經歷西南九十里設藍彩橋巡檢今改稱分治委員

榆樹縣土名孤榆樹

(地名釋義) 孤榆樹為漢族移墾後之名稱

(沿革) 遼金賓州地金為由會甯入關孔道置有巴達舖呼勒希寨

各驛前清嘉慶十六年裁撤伯都訥城蒙務主事分設巡檢二其一

雞林舊聞錄

設於孤榆樹光緒八年又移伯都訥廳同知於此因稱榆樹廳今改縣

(形勢) 松花江經縣境西南拉林河環帶東北平原無雄關巨

嶺以為險塞然橫午交貫郵驛旁通縣南秀水甸子為西通蒙地之首站稱衢路焉在

昔則為女真契丹之國界許亢宗行程錄過江四十里至呼勒希寨又東行五里即有潰堰斷壑自北而南莫

知遠近界隔甚明乃契丹昔與女真國界也豈非以其地當四達之衝且

臨江岸進退夷險有足為國防之輕重故國界即由此分割耶特土

性瘠薄遼金時代拉林沿岸有同砂磧松漠記開拉林河沿岸寸草不生行人携水往還今

土宜轉變但亦非腴壤耳

賓縣土名葦子溝

(地名釋義) 賓州遼地名松漠記聞契丹徙置翁舍展國於黃龍府